



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Cap. XIV. Missae privatae perpetuus usus Veterum testimonio & exemplis  
probatur ab initio Ecclesiae & deinceps. Idem variis argumentis ostenditur.  
In una Ecclesia plura altaria, pluresque Missas olim ...

**urn:nbn:de:hbz:466:1-10805**

rent; à sacrificii oblatione abstinebant, nisi præter Clericum ministrantem unus saltem præsens adflet, ut verè posset celebrans duobus astantiibus dicere, *Dominus vobiscum, & Orate Fratres.* Extat canon de hac re apud Gratianum de consec. dist. I. c. 61. „Hoc quoque, inquit, statutum est, ut nullus Presbyterorum Missarum solemnia celebrare præsumat, nisi duobus praesentibus, sibique respondentibus ipse tertius habeatur: quia cum pluraliter ab eo dicitur *Dominus vobiscum*, & illud in secretis *Orate pro me*, aptissimè convenit, ut ipsius respondeatur salutationi. Idem sanctum fuit in Concilio Coloniensi p. 2. c. 18. Et liber usum Cistercien. Qui *Missam*, ait, *cantare voluerit, duos testes habeat.* Refert autem Gratianus prædictatum canonom ex Soteris Papæ Constitutionibus: ab aliis tribuitur Anacleto, in cuius epist. I. leguntur hæc verba: *Sacerdotes quando Domino sacrificant, non soli hoc agere debent, sed testes secum adhibeant, ut Domino perfectè in sacrificiis Deo sacrificare locis probentur.* Micrologus cap. 2. utrique adserbit. At neutri convenire certissimum est; nihil enim magis alienum à praxi & spiritu illius seculi, quam solitariae Missæ celebratio, nec puto voluisse sanctos illos Pontifices editâ lege abusum tollere, qui nonnisi post aliquot saecula inter Monachos irrepit. Nota est Laurentii Diaconi ad Sextum vox, cum duceretur ad martyrium, *Tu nunquam sine ministro sacrificium offerre consueveras*, ita enim ferebant illorum temporum recepti mores: & aliunde constat Anacleti epistolam supposititiam esse, & ex malè compactis recentiorum sententiis confarcinatam. An vero usus sacrum agendi sine ministro nunc omnino sublatus sit, fateor me ignorare. Memini tamen, me legisse, quibusdam Monachis, sive Eremitis perpetuo inclusis indultum aliquando à Romano Pontifice, ut soli possent sine respondente sacrificium offerre: idque de inclusis confirmat glossa ad citatum canonem Gratiani. Nec alienum à ratione videri debet, quod quis solus dicat *Dominus vobiscum*; nam his verbis salutatur Ecclesia, quæ est una in multis, & tota in singulis, ut doctè probat Petrus Damiani in opusculo ad Leonem inclusum, qui hujus dubii solutionem ab eo ppterat, an liceret Eremitis, cum singulares in cellula commorantur, dicere *Dominus vobiscum*: cui lucubrationi titulum idcirco præfixit, *Dominus vobiscum.* Multa congerit Petrus, ut hoc licitum esse ostendat, quæ apud ipsum legi possunt. Quod si Sacerdos, cum solus recitat no-

cturnas & diurnas preces, omnia pluraliter profert, quæ pluri numero in divinis officiis digesta sunt; dicit enim *Venite adoremus, venite exultemus, Oremus, Benedicamus*, cum nemo illic sit, qui secum adoret, exulter, oret, benedicat; cur id non liceat sacrificium offerenti, cum id agat in persona totius Ecclesiæ, cuius corpus unum est unus fidei soliditate subsistens, & vivificantis spiritus una virtute perfusum; Nulla igitur absurditas est in plurali salutatione, cum quis solus Missas agit, licet hodie fieri nequeat sine speciali Apostolicae Sedis dispensatione, contrario usu, qui olim vigebat, dudum antiquato, & Ecclesiasticis legibus abrogato.

## CAPUT XIV.

*Missæ privatæ perpetuus usus Veterum testimoniis & exemplis probatur ab initio Ecclesia & deinceps. Idem variis argumentis ostenditur. In una Ecclesia plura altaria, pluresque Missas, olim fuisse. Missæ sine communicantibus antiquissime. Diluitur objectio ex Epistola S. Francisci.*

I. **S**Emper viguit in Ecclesia privatae Missæ, uno saltem præsente & ministrante, laudabilis confuetudo, quam Heretici Misoliturgi aliquando prohibitam fuisse nunquam poterunt demonstrare. Sive enim dicatur privata à loco, quia in privato aliquo Oratorio agitur: sive à tempore, quia non festis, sed privatis diebus fit: sive ab afflentibus, quia vel unus dumtaxat, vel pauci ei intersunt: sive ex eo quod solus Sacerdos in ea communicet: sive alia quacumque ex causa: semper eam licitam, semperque in usu fuisse, probatissimis veterum Patrum testimoniis & exemplis demonstrabo. Nam primò Apostoli circa domos panem frangebant, Eucharisticum videlicet, ut illorum acta testantur. Viros deinde Apostolicos, qui eos proxime sequuti sunt, sæpè privatum celebrasse in domibus, in carceribus, in cryptis, in cimiteriis, in tuguriis, ex his quæ hic & infra Cap. XIX. dicemus, manifestum erit. Tertullianus lib. de fuga in persecut. cap. 14. *Si colligere interdiu non potes, habes noctem. Non potes discurrere per singulos, si tibi & in tribus Ecclesia. Ac si diceret, si die lucescente, atque omni-*

omnibus congregatis celebrare non potes, noctu celebra & privatim, etiam vel tres soli praesentes sint. Hoc autem sensu Missa privata. *Collecta* five *Synaxis* dici non potest, & ideo Augustinus in *Breviculo Collationum diei tertiae Collectam à Dominico*, tanquam speciem à genere distinguit. Scribit Eusebius in vita Constantini *lib. 4. cap. 17.* eum statim post baptismum Oratorium in Palatio extruxisse, quin & ambulatoriam Ecclesiam five motorium templum habuisse, cum in castra proficiebatur, cuius exemplum nobiles Pa latinos postea sequutos esse narrat Sozomenus *lib. 1. cap. 8.* ne Missa sacrificio etiam in castris carerent. Idem Eusebius *ibid. cap. 45.* refert, Episcopos, qui ex omnibus provinciis ad dedicationem Ecclesiae Hierosolymorum copiosa multitudine convenerant, incruenta saepius sacrificia obtulisse. Marcellum Papam saepe in domo Lucinæ celebrasse Acta ejus commemorant. Gregorius Nazianzenus orat. 19. in laudem Patris, eum in cubiculo suo Sacrum egisse asseverat: & in encomio sororis suæ Gorgonie domesticum ei altare fuisse testatur. Meminit etiam Oratorii privati Avitus Viennenensis *epist. 6. ad Victorium Episcopum.* Paulinus Nolanus ante lectulum suum parari sibi altare jussit, ibique Sacrificium obtulit. Urano teste in ejus vita, paucis horis antequam moreretur. De Ambroso hoc refert Paulinus Presbyter, qui gesta ejus conscripsit: „Per idem tempus cum trans Tyberim apud quendam clarissimam invitaretur, ut sacrificium in domo offerret, quædam balneatrix, quæ paralytica in lecto jacebat, sellulâ ad eandem domum portari se fecit, & osculatis ibidem sancti viri vestimentis sanata est. Augustinus *lib. 22. de Civit. Dei cap. 8.* missum fuisse ait unum ex Presbyteris in dominum cuiusdam Hesperii à malignis spiritibus vexatam, qui obtulit ibi sacrificium Corporis Christi, & cefasavit vexatio. Cabades Rex Persarum, ut Theophanes scribit anno Christi 508. audiens ingenium pecuniarum & pretiosi lapidis congeriem in quodam castro repositam esse, ipsum occupare conabatur. Dæmones autem ipsum thesaurum custodientes impedimento illi erant; quare admota Magorum & Judeorum arte, nec eo potius, Episcopum Christianum præcepit adduci, qui peracta Synaxi & particeps factus divinorum mysteriorum dæmones expulit, & nullo negotio castrum tradidit Regi, qui eo miraculo commotus potestatem fecit, ut quicumque vellet ad baptisatum accederet. Iterum Augu-

stinus *lib. 3. contra Cresconium Donatistam cap. 29.* Acta publica refert, quibus Sylvanus convincebatur plures ejusdem Ecclesiarum calices tradidisse, ex quo non leve indicium sumitur, plures Missas in ea privatim actas, neque enim tot calices necessarii fuissent, si sola solemnis acta foret. Chrysostomus *homil. 3. in epist. ad Ephesios, & 17. ad Hebreos*, quotidiana oblationem suo tempore fieri solitam affirmat: idemque Hieronymus afferit in *cap. 1. epist. ad Titum.* Concilium Agathense. c. 21. privata Oratoria in agri permisit, in quibus Missa haberi posset, etiam in festivitatibus, exceptis diebus Paschæ, Natalis Domini, Epiphaniæ, Ascensionis, Pentecostes, sancti Joannis Baptiste, & aliis, si quæ fuerint, majoribus solemnitatibus. Gregorius Magnus *lib. 5. epist. 43.* mandat Joanni Episcopo Syracusano, ut Missas agi permittat in domo Venantii Patricii. Et hom. 37. in *Evang.* de Cassio Narrensi Episcopo sermonem habens, morem illi fuisse ait, quotidianas Deo hostias offerre, ita ut penè nullus dies vitæ ejus abscederet, quo non omnipotenti Deo hostiam placationis immolaret. Tum ait, eundem morti proximum in Episcopii Oratorio Missas fecisse. Joannes Eleemosynarius, ut Leontius narrat in ejus vita cap. 41. cum populum vidisset ab Ecclesia egredi post lectum Evangelium & ipse exiit, sed itque cum turba dicens: Ego propter vos descendere in sanctam Ecclesiam, nam Missas poteram mihi mettere in Episcopio. Barlaam Presbyter, ut ex Joannis Damasceni narratione didicimus, in cubiculo Iosaphat, ipso solo praesente, sacrum pergit. Ven. Beda *lib. 4. hist. Anglorum cap. 14.* pestiferam mortalitatem intercessione Osuvaldi Regis sublatam describens, Missas ait celebratas fuisse per cuncta Monasteria Oratoria pro gratiarum actione. Plura autem Oratoria loco & situ separata in monasteriis extruere usus antiquissimus fuit, nam S. Benedictus teste Gregorio Magno *lib. 2. Dialog. cap. 8.* in montis Cassini summitate duo edificavit, unum Sancti Joannis Baptiste, alterum S. Martini. Et Maurus ejus discipulus, teste Fausto in vita ipsius, quatuor in suo monasterio construxit, in honorem SS. Petri Apostoli, Martini, Severini, & Michaelis Archangeli. Concilium Toletanum XVI. cap. 8. quotidie Missas peculiares pro Rege & filiis celebrari præcepit. Extat & Rescriptum Zachariae Papæ ad Pipium Regem, mandans nullum Oratorium pro Missis privatis, nisi prius donatum ab Episcopo consecrari. Theodulfus Aurelianensis in

in suo Capitulari cap. 45. decrevit ut Missæ, quæ per dies Dominicos peculiares à Sacerdotibus fiunt, non ita in publico fiant, ut per eas populus à publicis Missarum solemnibus, quæ horâ tertâ canonice fiunt, abstrahatur. In Chónico Centensi Tomo 4. Spicilegij lib. 2. cap. 11. extat constitutio Angelberti Abbatis, qua præcipit singulis diebus triginta saltem Missas in diversis altariis à Monachis agi, in quibus memoria habetur Adriani Papæ & Caroli Magni, qui tunc vivabant. Grodegandus Metensis Episcopus, qui tempore Pipini vixit, in regula Canoniconum Tom. 1. Spicilegij edita cap. 42. meminit eleemosynæ datæ Sacerdotibus pro Missis privatis. Apud Christophorum Brouverum lib. 3. Antiquum Fuldensum cap. 12. supplex libellus à Monachis porrectus legitur, in quo petunt inter cætera, ut possint presbyteri Missas saepius celebrare, ut que competens ad hoc spatum eis detur, sicut à majoribus suis dabatur. Jonas Aurelianensis lib. 1. Institut. Laicalium cap. 11. tom. 1. Spicil. ait Sacerdotes tunc solitos fuisse sacrificium Deo offerre in aediculis extrâ templum ædificatis.

II. Nullus erit finis, si paginas implere volueris Scriptorum Ecclesiasticorum testimoniis, asserentium Missas privatas saeculo nono, decimo, & sequentibus in ulo fuisse; sed & superfluum est, nam ipsimet Sectarii hoc fatentur, qui privata sacrificia sine frequentia & communione veteri Ecclesiæ ignota fuisse procaciter affirmant, cœpisse autem dicunt octavo seu nono seculo ære Christianæ. Horum pervicacia ut fortius reprimatur, alia quædam argumenta & indicia præterire non possum, quibus private Missæ antiquitas uberioris confirmetur. Et primum quidem argumentum desumitur ex Missis, quæ quotidie in honorem Sanctorum fieri consueverunt: cuius moris Gregorius Papa testis irrefragabilis est lib. 7. ep. 29. Indic. 1. ad Eulogium Alexandrinum: *Nos, inquit, penè omnium Martyrum, distinctis per dies singulos passionibus, collecta in uno Codice nomina habemus, atque quotidianis diebus in eorum veneratione Missarum solemnia agimus.* Id est antiquis Calendariis pauca Sanctorum nomina inscripta legimus, illorum scilicet quorum dies Natalis festivo populi concursu, & solemnni sacrificio celebatur, & hi olim exiguo numero continebantur. De ceteris Missæ privatae diebus singulis agebantur, tametsi Calendario non essent adscripti. Alterum indicium suppeditant Missæ pro defunctis, quæ particulariter & privatim quotidie agebantur. Nam Concilium Va-

sionense II. actum anno 529. ut peritiores Chronologi ostendunt, licet cum primo in vulgatis editionibus confundatur, Missis Defunctorum à Missis publicis distinguit, statuens cap. 3. ut in Missis, quæ fiunt in Defunctorum commemorationibus, semper Sancta dicatur, eo ordine quo dicitur ad Missas publicas. Et Amalarius lib. 4. cap. 42. loca quædam fuisse testatur, in quibus quotidie Missa pro defunctis celebrabatur. Tertium ex multitudine Sacerdotum deduci potest, qui quotidie sacris operari solebant. Erant autem multi in eadem Ecclesia, & Cornelius Papa ad Eusebium lib. 6. hyst. cap. 43. scribens ad Fabium Episcopum Antiochenum, quadraginta quatuor tunc Romæ fuisse afferit, quos specialibus Ecclesiis addictos fuisse non constat; neque enim scimus, an tot fuerint sub Cornelio in Urbe tituli, five Basilice. Quidam etiam, saltem ante Concilium Chalcedonense, a quo id prohibitum est, sacerdotio initiantur, nec ulli certæ Ecclesiæ alligabantur, sicut de seipso S. Paulinus ep. 6. ad Severum scribit, *Ea conditione in Barcinonensi Ecclesia consecrari adductus sum, ut ipsi Ecclesiæ non alligerer, in sacerdotium tantum Domini, non etiam in locum Ecclesiæ dedicatus.* Eadem libertate S. Hieronymus à Paulino Episcopo Antiocheno, ut ipse inquit, ep. 61. c. 16. Presbyter ordinatus fuit. Eodem modo Flavianus Macedonium Anachoretam ordinavit, quem laudat in historia Monastica c. 13. Theodoretus. Et hos tamen saepius celebrasse nemo dubitat; sed privatim, quia titulo & Ecclesia carebant.

III. Non leve tandem indicium Missæ peculiariter actæ præbet altarium multitudo in eadem Ecclesia, de quibus veterum Patrum testimonia non desunt. Gregorius Magnus lib. 5. epist. 50. ad Palladium Santonensem Episcopum: *Veniens, inquit, lator præsentium insinuavit nobis, Fraternitatem vestram Ecclesiam construxisse, atque illie tredecim altaria collocasse, ex quibus quatuor necdum dedicata comperimus remansisse.* Loquitur autem de altariis ad usum sacrificii, nam & reliquias Sanctorum ipsi Episcopo mittit in eis collocandas; atque eidem præcipit, ut provideat, ne ibidem servientibus almoniarum suffragia desint. Acca Episcopus, ut refert Beda lib. 5. hyst. cap. 21. acquisitus undecimque reliquias beatorum Apostolorum & Martyrum, in venerationem illorum altaria ædificavit distinctis porticibus intra muros Ecclesiæ. Plura item altaria Romæ fuisse in Basilica Principis Apostolorum, non solum ad Orientem juxta ritum Ecclesiæ,

CCC                          sed

sed & in alias partes distributa scribit Walfriedus cap. 4. Apud Bedam Missas actas in cunctis Oratoriis monasterii: plura item Oratoria constructa à Sanctis Benedicto & Mauro, jam supra commemoravimus. Alia hujusmodi occurunt passim in actis Sanctorum, & in chronicis ac Ritualibus Monachorum, sive fuerint Oratoria à corpore Ecclesie muro sejuncta, sive altaria sub eodem recto; que sane multiplicatio inutilis proculdubio fuisset, si non nisi semel in die sacrificium offerre in eadem Ecclesia licuisset. Græcorum alia est consuetudo, unicum enim altare in singulis Ecclesiis habent, nec fas esse putant intra septa ejusdem templi sacrum eadem die iterare. Idē Patres & Historici Græci unius tantum altaris in una Ecclesia mentionem faciunt; cuius unitatis analogiam inde accipi ferunt, quia unus est Christus, una Ecclesia, unicum Sacrificium. Unigenitam aram vocat Tyrius Orator in Panegyrico Encœniorum templi à Paulino Episcopo ædificati, quem libro X. sua historiæ inseruit Eusebius. An vero hic ritus ab Ecclesia Latina olim receptus fuerit, non liquet; nisi quod hoc respexisse videtur Concilium Antisiodorensis anno 578. ut Simeonius docet, celebratum, cum cap. 10. edicit, non licere super uno altario una die duas Missas dicere. Verum hæc synodus Occumenica non fuit, fortassis de Missis solemnibus intelligi debet: nam statim subdit, non licere Presbytero sacrum facere in altario, in quo illa die Episcopus Missas dixerit: quod de quacumque Missa interpretor, ne eadem sanctio bis inutiliter repeta censeatur. Porro Græci tametsi unicum in Ecclesia altare habeant, plura tamen ipsi Ecclesiæ proxima, muroque disjuncta construunt Sacella sive Oratoria, quæ Parecclesiæ ab illis vocantur, quasi Ecclesiarum Appendices, in quibus profectis diebus, ut refert Goar in notis ad Euchologium pag. 16. Liturgias privatum agunt, feria secundâ de Angelis, tercia de B. Virgine, quartâ de S. Joanne Baptista, quintâ de Apostolis, sextâ de cruce, Sabbato pro defunctis. Non omnes tamen Parecclesiæ templi muro adhærent, sed quædam longè absunt, & per ambitum monasterii dispersæ sunt, celebrantque in his Hebdomadarii per vices, ut notat Leo Allatius in epist. ad Joannem Morinum de Græcorum recentiorum templis. Et Græci quidem pristinum morem constanter retinuerunt: Latini autem, quamvis antiquitus plora Oratoria loco diffusa in monasteriis habuerint, ea jam pridem in majorem

Ecclesiam, variis ædificatis altaribus, transfuerunt.

I V. Ajunt nonnulli, quorum sententiae non invitus accedo, creuisse numerum altarium & Sacerdotum, postquam populus, qui Missæ aderat, aderant autem omnes, desit communicare: nam cum omnes uni Missæ præsentes erant, & communicabant, pluries celebrare necessarium non era. Quo vero tempore desierint Fideles, qui Missæ intererant, Sacramenti participes fieri; & quando in una Ecclesia plures Missæ dici coepiunt, non est facilè definire: utruaque tamen antiquissimum est. Leo Magnus in ep. ad Diocorum Alexandrinum mandat iterari sacrificium, cum Fidelium multitudo tanta est, ut omnes simul Basilica recipere non possit; ex hoc enim sequeretur, quod una pars populi suâ devotione privaretur, si unius tantum Missæ mos servandus esset. Tum ait, plenum pietatis ac rationis esse, ut, quoties Basilicam præsentia novæ plebis impleverit, toties sacrificium subsequens offeratur. Hanc vero Sacrificii iterationem S. Pontifex præcepit ex more, qui tunc Romæ vigebat, Ut in omnibus, inquit, observantia nostra concorderet. Et infra. Ut quod nostræ consuetudini ex forma paternæ traditionis insedit, tua quoque cura non negligat. De S. Pontifice Deus dedit auctor Pontificalis sic scribit: Hic constituit secundam Missam in Clero. Ad quæ verba Petrus Urbevetanus in scholiis ait: Quia tunc forsitan ad instar Græcorum non cantabant in Ecclesia nisi una Missa, quod magis ædificabat secundum antiquos. At ex allato Leonis testimonio patet, morem iterandi sacrificium multò ante in Romanam Ecclesiam inductum fuisse. Prosper etiam lib. de prædictionibus dimidii temporis cap. 6. bis intrâ paucas horas sacrum oblatum scribit in eadem Ecclesia. Huc item referenda sunt, quæ de duplice Sacro eadem die celebrato Cap. XVIII. afferemus, cum de diebus polyliturgicis agendum erit.

V. Missas præterea nemine communicante antiquis Patribus cognitas fuisse, norissimum est. Chrysostomus tom. 3. in epist. ad Ephesios, Frustra est, inquit, quotidianum sacrificium, frustra adstantis altari, nemo est qui participet. Idem repetit hom. 61. ad populum Antiochenum. Et hom. 5. in epist. 1. ad Timoth. postquam mala recensuit indignè communicantium, in eorum persona objicit sibi, Quomodo ista perpetimur, cum semel tantum per annum ea sacramenta sumamus? In Mediolanensi Ecclesia quoti-

quotidie oblatum sacrificium docet Ambrosius serm. 34. in quo populum adhortatur, ut, qui non est legitimè impeditus, singulis diebus interficit Missæ. Mox admonet, ut in Quadragesima, die saltem Dominico offerant & communicent. Cùm igitur populo suadeat, quotidie Missam audire, in Quadragesima verò saltem die Dominico communicare, suis evidenter ostendit, nullam tunc fuisse consuetudinem in illa Ecclesia toties communicandi, quoties Missa auditetur. Genesadius Massiliensis lib. de Ecol. dogm. cap. 53. populum item horatur ad communicandum omnibus Dominicis diebus, si tamen mens sine affectu peccandi sit. Concilium quoque Agathense præcipit Secularibus, ut die Dominico Missam audiant: ad communionem verò eos non adgit, nisi in die Nativitatis Domini, Paschatis, & Pentecostes. Varios autem hac de re cuiusque Ecclesiæ mores fuisse, asserit Augustinus epist. 118. ubi ait, alios quotidie, alios dumtaxat certis diebus communicasse: quam varietatem prolixè describit Walfridus Strabo cap. 20, qui rursum de eadem differunt cap. 22. hoc addit: *Esse quosdam, qui semel in die communicare, etiam si pluribus interfuerint Missis, pro dignitate sacramentorum sufficere credant: esse verò alios, qui si cùt in una, sic in omnibus quibus affuerint Missis in die communicare velint, quorum neuros culpandos existimo.* Erant igitur vivente Strabone nonnulli Fideles adeò tenaces prisci moris communicandi in Missa cui aderant, ut communionem sèpius sumere eadem die non dubitarint, si pluribus Missis interessent. Verum hujus moris an aliud præter Strabonem testes proferri possint, haud scio. Usus autem communicandi, quoties quis sacris intererat, jampridem desierat, ut modo ostensum est ex testimonio Chrysostomi, Ambrosii, & aliorum, in utraque Ecclesia Graeca & Latina. Primi & secundi post Christum seculi felicitas hæc fuit, cum multitudo Credentium, quorum erat cor unum & anima una, ardenterissimo Dei amore succensa nihil impensius desiderabat, quād ad hoc supercœlestē convivium accedere, in quo anima de Deo saginatur, ut loquitur Tertullianus. At propè finem tertii cœpit fervor ille languescere, & numerus communicantium inminuit: quam tepiditatem ægrè fermententes Patres Concilii Illiberitani cap. 28. statuerunt, Episcopum non debere munera ab eo accipere qui non communicat. Patres item Concilii Antiocheni can. 2. omnes, qui ingrediuntur Ecclesiam, & se à perceptione sanctæ communi-

nionis avertunt, ab Ecclesia removeri decreverunt. Patres denique Concilii Toletani I. cap. 12. eos abstineri præcepérunt, qui intrant Ecclesiam & non communicant. Ex quibus interficit, hanc desuetudinem, quæ sanctis illis Episcopis multum displicuit, eo tempore cœpisse, quo Concilium Illiberitanum actum est, labente aimirum tertio seculo, ut probabilior sententia fert, quam solidè probat Morinus lib. 9. de pœnitentia cap. 19. & illi quidem infrequentiam communionis damnarunt, nunquam tamen dixerunt, idèò à Missæ celebratione abstinentur, quia nulli essent qui vellent communicare, alioquin deterior foret Sacerdotis quād populi conditio, si tunc solum celebrare posset, cum adsunt communicantes, his verò deficientibus non posset, ut ipsem de corpore & sanguine Domini participaret.

V. I. Multa objiciunt Sectarii, ut Missam privatam abrogandam esse persuadeant, quibus doctissimè satisfecerunt Bellarminus & alii, qui in hac palæstra summè cum laude desudarunt. Nequeo tamen unum illorum argumentum omittere, quod ex epistola S. Francisci ad Sacerdotes sui Ordinis desumunt, summoperè exultantes ac si per eam praxis privatum celebrandi radicitus evellatur. Epistola verba hæc sunt.

„Moneo præterea & exhortor in Domino, ut „in locis, in quibus morantur fratres, una tantum „Missæ celebretur in die, secundum formam „Sanctæ Romanae Ecclesiæ. Si verò in loco „plures fuerint Sacerdotes, si per amorem charitatis alter contentus auditâ celebrationem Sacerdotis alterius. En, inquit, vir Dei unam dumtaxat in die Missam admittit, idque secundum formam Romanæ Ecclesiæ. Porro Catholici vim hujus objectionis variis modis declinare nituntur. Lucas Waddingus longo commentario ostendit, eum loqui de Missa publica & conventuali, privatas autem cuiuscumque arbitrio reliquise. Alii dicunt, non determinari qualis sit, vel esse debeat illa Missa, solemnissime an privata, & sic contra ritum privatum offerendi nihil ex hoc testimonio concludi. Sunt etiam qui dicant, agi ibidem de sola quinta feria ante Pascha, non de aliis diebus. At hæ solutiones parum solidæ mihi videntur, nam vim afferunt textui, in quo manifestè hortatur, ut una tantum in die Missa dicatur, cui reliqui Sacerdotes intersint eā contenti. Ideò alii, ut se faciliter à difficultate expediant, falsam esse ajunt & supposititiam epistolam, sanctoque viro perperam tribui, dicit enim

Ccc 2

Romanæ

Romanæ Ecclesiæ tunc morem fuisse, ut unatantum Missa diceretur, quod procul à vero difstat, nec fas est suspicari, virum sanctum aut scienter mendacium scripsisse, aut Ecclesiæ Romanæ usum, qui tunc vigebat, ignorasse. At ego admissa epistola tanquam vera, & legitima, sumptam ex ea objectionem nullo negotio dilui posse existimo, si dixerimus, Seraphicum Patrem, qua humilitate à Sacerdotii susceptione ipse abstinuit, eadem horrari suos ne quotidie celebrent. Quod verò ait secundum formam Romanæ Ecclesiæ, de ritu servando in ipsa celebratione exponi & intelligi deber; neque trahendum ad unican celebrationem, ac si ea tunc foret Romanæ Ecclesiæ institutio: Optimè enim noverat plures in die fieri oblationes; sed sicut in regula præcepit, ut fratres officium recitarent secundum morem Romanæ Ecclesiæ; ita hic monet, ut secundum formam ejusdem Ecclesiæ agantur Missæ: tum humilitatis causa, & ne Sacerdotes ex frequenti celebratione tepidiores fierent, hortatur, ut unica oblatione, cui omnes interfressent, contenti, reliquis abstinerent. Quia verò sciebat, id contra usum communiter receputum esse, sola exhortatione usus est, non præcepto. Scio quidem, Cartusianos, & alios quosdam Monachos unam tantum Missam, ad quam omnes conveniebant, solis diebus Dominicis & solemnioribus antiquitus egisse, ut ostendam Capite XVIII. sed in Romana Ecclesia nunquam legi hunc usum fuisse. Si autem hæc solutio non placeat, respondendum erit, singularem unius quantumvis Sancti assertionem, seu opinionem non tanti esse, ut justè possit aliis innumerabilibus & omni exceptione majoribus, qui pro usu privatæ Missæ testimonium perhibent, anteponi, eorumque vim ac auctoritatem infringere ac superare.

## C A P U T X V.

*Alia quedam Missarum genera. Missarum de Tempore & de Sanctis ratio & antiquitas. Quæ sunt Missæ votiva. Sacrificium pro defunctis ex Apostolica tradizione offerri. De Missa Presanctificatorum. Addita quedam de ea quam sicciam vocant. Refertur quorundam abusus, qui plures Missas in unam congregabant.*

**L**æc stabilità tam publicæ quam privatæ Missæ vera notione & antiquitate, ad alia

earum genera explicanda procedendum est. Primum autem occurunt, quæ de Tempore dictæ sunt: sicut enim annus solaris quatuor temporum successione dilabitur, hiemis seicit, veris, aestatis, & autumni; ita annus ecclesiasticus suas habet temporum varietates, in quibus vita, passionis, & doctrinæ Christi mysteria, fideique nostræ sacramenta recoluntur. Anni verò solaris cum Ecclesiastico Analogiam diffusè explicat lib. 6. sui *Rationalis* Guil. Durandus, ubi docet, hiemem representari à Septuagesima usque ad Pascha, ver ab Adventu usque ad Septuagesimam, aestatem à Paschate usque ad octavam Pentecostes, & ab hac usque ad primam Dominicam Adventus autumnum. Quædam autem officia propria Missarum his temporibus assignata fuisse, vel ab Apostolis, vel ab eorum successoribus, que ideo de tempore nuncupantur, antiqua traditio est. Festa siquidem Nativitatis, Epiphaniæ, Resurrectionis, & Ascensionis Christi, ac Pentecostes, & jejunia Paschæ solemnitatē antecedentia, atque his diebus Synaxes Apostolica institutione copiæ, testes sunt Constitutiones Apostolicæ, Tertullianus lib. de jejuniis, Theophilus Alexandrinus in Epistolis Paschalibus, Irenæus apud Eusebium lib. 5. historiarum: & in his convenerunt omnes Ecclesiæ; licet de die, quo Nativitas Domini, ejusque Apparitio, ac Resurrectio coli deberent, lites olim accerrimæ motæ sint. De tempore Adventus ante Nativitatem mentio fit in Concilio Turonensi II. cap. 17. & in Matisoni I. cap. 9. quæ ante Gregorium Magnum acta sunt. Officia verò & Liturgia tum his diebus, tum singulis Dominicis, certisque feriis per annum agendæ, extant in antiquissimis sacramentorum libris sanctorum Pontificum Gelafii & Gregorii, & in Lectionario sancti Hieronymi, atque in Ordine Romano.

**I**II. Aliæ Missæ sunt, quæ in honorem Sanctorum agi solent, cum illorum memoria annua solemnitate recoluntur. Audiens de his Cyprianus epist. 34. *Sacrificia pro eis, pro eorum scilicet honore, semper offerimus, quoties Martyrum passiones, & dies anniversariæ commemoratione celebramus.* Et epist. 37. ad Clerum suum, diligenter annotati mandat dies, quibus Martyres exce-  
dunt, ac sibi significari; ut, inquit, celebretur bic à nobis oblationes & sacrificia ob commemorationes eorum: quo testimonio nullum præstantius. Ad idem respexit Cypriani Magister Tertullianus, cum libro de corona militis cap. 3.  
*alio*